



Agency for Development of Higher Education and Quality Assurance

Broj: 05-33-1-369-5/14
Datum: 06.08.2014.godine

PRIMLJENO:	Organizaciona jedinica	Klasifikaciona oznaka	Redni broj	Broj priloga
11. 08. 2014		/	797	4

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, br. 59/07 i 59/09), u postupku akreditacije visokoškolske ustanove „**Internacionalni Burč univerzitet**“, a po zahtjevu Ministarstva za obrazovanje, nauku i mlade Kantona Sarajevo, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova, direktor Agencije za razvoj visokog obrazovanja i osiguranje kvaliteta donosi:

PREPORUKU

1. Daje se **Preporuka o akreditaciji** visokoškolske ustanove „Internacionalni Burč univerzitet“, na osnovu Mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova.
2. Ministarstvo za obrazovanje, nauku i mlade Kantona Sarajevo će u predmetnom postupku akreditacije u skladu sa važećom zakonskom regulativom izdati Rješenje o akreditaciji, na osnovu izvještaja i ocjene Komisije stručnjaka i uzimajući u obzir ovu Preporuku.
3. Nakon postupanja iz tačke 2. ove Preporuke, Ministarstvo za obrazovanje, nauku i mlade Kantona Sarajevo će Agenciji za razvoj visokog obrazovanja i osiguranje kvaliteta dostaviti upravni akt o ishodu akreditacije radi daljnjeg postupanja po članu 49. Okvirnog zakona o visokom obrazovanju u Bosni i Hercegovini.

Obrazloženje

Ministarstvo za obrazovanje, nauku i mlade Kantona Sarajevo je dana 05.05.2014. godine dostavilo Agenciji za razvoj visokog obrazovanja i osiguranje kvaliteta prijedlog za imenovanje Komisije stručnjaka koji daju ocjenu i obavljaju reviziju kvaliteta i daju preporuku o akreditaciji visokoškolske ustanove „Internacionalni Burč univerzitet“ (u

daljem tekstu: Komisija). Nakon što je utvrđeno da se predloženi članovi Komisije nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11) (u daljem tekstu: Odluka), Agencija za razvoj visokog obrazovanja i osiguranje kvaliteta je u skladu sa članom 49. alineja 4) Okvirnog zakona o visokom obrazovanju u Bosni i Hercegovini, imenovala Komisiju stručnjaka Rješenjem broj: 05-33-1-369-2/14, od dana 13.05.2014 godine.

Dana 21.07.2014.godine dostavljen je Izvještaj komisije o eksternoj evaluaciji u kojem je data analiza, ocjena i revizija kvaliteta ove ustanove. U Izvještaju je sadržano i Mišljenje Komisije o akreditaciji koje glasi: „na osnovu ukupne ocjene funkcioniranja sistema kvaliteta, može se konstatovati da su svi kriteriji za akreditaciju visokoškolske ustanove na Internacionalnom Burč univerzitetu potpuno ispunjeni i Komisija daje preporuku nadležnim obrazovnim institucijama da sprovedu postupak izdavanja rješenja o akreditaciji i sprovedu ostale potrebne aktivnosti u tom pogledu“.

U pogledu kvaliteta visokoškolske ustanove „Internacionalni Burč univerzitet“ Komisija stručnjaka je u skladu s Odlukom o normama kojima se utvrđuju minimalni standardi u području visokog obrazovanja u Bosni i Hercegovini, ispunjenost devet kriterija ocijenila odgovarajućim ocjenama, te za svaki od kriterija dala i preporuke za unaprijeđenje kako slijedi:

a) RAZVOJ I STRATEGIJA VISOKOŠKOLSKE USTANOVE

Ocjena: potpuno ispunjen

Preporuke za unapređenje:

- *„Potrebno je permanentno raditi na stimulisanju studenata na učešću u izradi strategije, kao i na stalnom povećanju njihove informisanosti o važećim strateškim opredjeljenjima univerziteta*
- *Raditi planove i za duži vremenski period (npr. 10 godina), jer su Vizija, Misija i Strateški ciljevi dosta veliki*
- *Strateški ciljevi univerziteta, kad se spuštaju na niže nivoe, treba da budu mjerljivi*
- *Stalno raditi na poboljšanju svijesti svih uposlenih i studenata o viziji, misiji i ciljevima univerziteta*

- *Raditi na stalnom jačanju strateških odnosa između univerziteta i privrede*“.

b) UPRAVLJANJE, UNUTRAŠNJE OSIGURANJE KVALITETA I KULTURA KVALITETA

Ocjena: potpuno ispunjen

Preporuke za unapređenje:

- *„Izanalizirati sistem učešća studenata u kreiranju strateških dokumenata i predložiti mjere za aktivnije učešće studenata u procesu kreiranja strateških dokumenata*
- *Razmotriti nivo uključenosti studenata/studenskih predstavničkih tijela u analizi rezultata evaluacijskih anketa, kao i mogućnost njihovog predlaganja korektivnih mjera na osnovu rezultata evaluacionih anketa*
- *Raditi na preduzimanju preventivnih mjera, kako bi se smanjili eventualni problemi na univerzitetu*“.

c) PROCEDURE ZA OSIGURANJE KVALITETA STUDIJSKIH PROGRAMA

Ocjena: potpuno ispunjen

Preporuke za unapređenje:

- *„Razmotriti potrebu proširenja studijskih programa na pojedinim odsjecima ili otvaranje novih fakulteta u sklopu univerziteta, a sve u skladu sa potrebama okruženja*“.

d) PROCEDURE ZA OCJENJIVANJE STUDENATA

Ocjena: potpuno ispunjen

Preporuke za unapređenje:

- *„Preporučuje se dodatna analiza visoke prolaznosti na pojedinim fakultetima i ciklusima studija i kreiranje prijedloga korektivnih mjera po tom pitanju*“.

e) LJUDSKI RESURSI

Ocjena: potpuno ispunjen

Preporuke za unapređenje:

- *„Raditi temeljite analize ocjene zadovoljstva zaposlenih i preduzimati mjere na stalnom poboljšanju njihovog zadovoljstva*

- *Razmotriti dodatne oblike i mogućnosti podrške za zaposlene koji iskazu želju za nastavkom studija na drugim relevantnim obrazovnim institucijama*
- *Raditi redovne analize kvalifikacija nastavnog osoblja i preduzimati korektivne mjere gdje se za tim ukaže potreba*
- *Planirati sredstva i nagrađivati administrativno osoblje za postignute rezultate u radu“.*

f) KVALITET FIZIČKIH RESURSA

Ocjena: potpuno ispunjen

Preporuke za unapređenje:

- *„ Nastaviti aktivnosti na formiranju Tehno-parka u sklopu koga mogu da budu Biznis centri i Inkubatori, i uvesti praksu da se podstiče razvoj biznisa, aktivno učestvuje u njegovom razvoju i nastavi saradnja sve dok biznis ne ojača i ima potrebe za saradnjom“.*

g) INFORMACIONI SISTEMI

Ocjena: potpuno ispunjen

h) PREZENTACIJA INFORMACIJA ZA JAVNOST

Ocjena: potpuno ispunjen

Preporuke za unapređenje:

- *„Dobro bi bilo da Univerzitet na kraju svake godine objavi Zbornik svih radova, koje je publiciralo akademsko osoblje univerziteta“.*

g) MEDUNARODNA SARADNJA

Ocjena: potpuno ispunjen

Preporuke za unapređenje:

- *„Promovisati važeće EU programe u oblasti obrazovanja kao i druge veće davaoce stipendija u evropskom prostoru visokog obrazovanja. Podsticati učešće studenata i akademskog osoblja u ovakvim programima*
- *Da bi Univerzitet poboljšao međunarodnu saradnju potrebno je, u redovnoj ili dopunskoj nastavi, upoznati studente sa projekt menadžmentom“.*

Na osnovu naprijed navedenog odlučeno je kao u dispozitivu Preporuke.

Prilog:

1. Preporuka Komisiji stručnjaka i prijedlog ispravke teksta Izvještaja

S poštovanjem,



Dostavljeno:

1. Ministarstvu za obrazovanje, nauku i mlade, Kanton Sarajevo
2. Internacionalnom Burch univerzitetu
3. Sektoru 05
- 4.a/a